



Ioannes apud Belgas natus anno circiter 1532. Is Louanij diligentem operam literis nauauit & liberalium artium insignem eruditionem sibi comparauit. In primis autem Mathematicis disciplinis incubuit, & eas scientias feliciter didicit. Itaque factum ut regius professor Mathematices Louanij constitutus fuerit. In eo loco magno auditorum concursu haectenus docuit, & ingenij sui uires omnibus declarauit. Vt etiam posteritati consuleret, Ephemerides composuit, & tabulas quasdam Geographicas denotauit. In eo uitae genere Louanij Ioannes superest, atque magna laude à doctis uiris agnoscitur. Anon.